

四庫全書

集部

欽定四庫全書

貞素齋集卷八

元 舒頔 撰

七言長律

閒居遣懷

手弄閒雲只自怡，樂門真味少人知。  
溪邊觀水柳風細，竹上題詩花日遲。  
醉裏焚香評古畫，醒餘煮茗著殘茶。  
文章不入翰林眼，形貌宛如岩壑姿。  
王衍清談時拂麈。

楊脩用智夜捫碑寄言馳騁京華客我正高吟岸接離  
送葉宗茂之京陵

羣公政爾論歸田又上鍾陵順水船  
薇省檄來徵俊彥黃金臺築聘時賢  
文章氣骨凌三傳議論波瀾動百川  
誼重金蘭增繾綣居同桑梓益周旋  
已聞天上風雲會未信人間雨露偏  
霄漢故人如問訊江東老客雪盈顛  
有懷諸公

龜鼉出沒黃田蕩龍虎盤踞白下城  
才俊滿前勞顧問

愚蒙在下冀昇平波濤江漢暫時險烟霧乾坤有日清  
文士負才徒倚馬武夫挾勇祇談兵朝廷安用生疑慮  
田野何由覩聖明徽露每愁東日上柳雲猶帶北風橫  
羣公退食方云喜數子馳心尚慕榮澤國暮春觀撲滿  
江湖深夜炯攬槍鄉村落落真堪歎冠冕戔戔未足驚  
黃犬東門憐往事白頭南土憶歸耕

撲滿土器  
攬槍彗星

詩餘

滿江紅

金少巳月  
卷八  
時雪快晴苗民攻宣未克往來郡邑間擾攘尤甚憲  
府移司於徽視而不問歎時事之靡寧哀生民之塗  
炭因賦此曲兼東邑令郭文質

天也多情巧幻出天河寒水多態度悠悠颺颺輕粘牕  
紙萬里豈無祥瑞應四方已在饑寒裏把溪山好處縱  
橫摹須臾耳 江海濶風塵起狐兔狡鷹鷂耻假蠻  
夷威柄侵漁而已諸老忠良皆石柱九重仁聖真天子  
待明朝晴霽看青山清如洗

酹江月

三槐氏胄早榮陞大府展施才調應歎濡須兵革後幾  
度愁紆懷抱剪燭寒更催科春晚諸事安排了簿書聚  
裏辛勤說與誰道 遙想淝水西邊三賢堂古孝肅名  
偏好為我辦香先致敬耿耿寸心相照贊畫侯藩趨丞  
相府指日登樞要不堪離別一尊聊為傾倒

蝶戀花

送胡一之  
上襄陽

鍾阜相催何汲汲猿鶴休驚却上襄陽驛袖拂岷山碑

辭碧淒涼淚眼今猶昔  
勲業正須年少日  
楚雨湘雲  
囊錦都收拾  
祇恐綠闌春寂寂  
孤鷺背月皎綃濕

醉江月

送指揮司王仁卿知  
事代廣陵郡官作

人生交誼篤金蘭  
氣味不堪離別綠  
水紅蓮聲價舊又  
向高郵施設幕底清風樓前明月此意憑誰說  
美哉魚  
來此行足可怡悅  
聞道細柳營中三軍整肅訓練真  
奇絕贊畫公餘閒拭目午夜劔光明滅料想明年榮膺  
薇省高步登天闕  
片雲相隔人來應問華髮

謁金門

人磊落移贊高郵  
蓉幕采筆生春和氣  
作軍民同此樂  
休說邊陲蕭索  
米白魚肥如昨  
別後情懷何處托寒

光倚山閣

水龍吟

慶陳仲洪家慶樓

人間何處無樓  
算來積善應難得  
操持一念應乎萬事  
盡皆陰德  
伯仲怡怡親朋濟濟  
雲仍蟄蟄任才高  
王燦興同  
庾亮誰敢與元龍敵  
珍重劉郎好事好  
浮山為



君拈出眼前標致壁間圖畫屏間松竹春晚憑高秋晴  
眺遠翠紅如織待他年看取飛來五鳳記如椽筆

折桂令

壽張德中時  
三月三日

問仙娥何處稱觴怕遞香羅壽祝張郎整整杯盤低低  
歌舞澹澹韶光想無愧乾坤俯仰且隨緣詩酒徜徉樂  
意何長人醉西池月上東牆 過今朝三月初三昨夜  
長庚書幌光含狂客追懽歌姬索笑餘子醺酣且莫說  
鶯兒睨睨試聽他燕子喃喃此樂何堪喜君暢飲容我

高談

風入松

故人情況近如何應被酒消磨醉來笑倚娉婷卧傷心  
處暗濕香羅肱曲紅生玉笋鬢偏翠捲新荷薰風枕  
簾屆時和着我醉歌襄陽舊事今安在風流客屈指無  
多休說玉堂金馬爭如雨笠煙蓑

沁園春

閒適

閒處如何也堪吟詩也堪弈碁想白衣送酒誰如元亮

白鵝換字誰似義之濠上觀魚雲間呼鶴此樂人間未  
易知平生性喜不惟酒困常帶書癡儘教步武天池  
且間得閒身一會嬉便朝登金馬何裨世教暮趨玉殿  
安救時危赫赫功名堂堂事業不傳先生這肚皮休瞞  
我任官高祿厚也要些兒

小重山

端午

碧艾香蒲處處忙誰家兒共女慶端陽細纏五色臂絲  
長空惆悵誰復弔沅湘 往事莫論量千年忠義氣日

星光離騷讀罷總堪傷  
無人解樹轉午陰涼

前調

時有武陵之行值時變故弗果因賦之

笑問西風一葉舟阿誰招我武陵遊  
豈知身世兩悠悠  
西湖好孤負桂花秋  
應笑樂平侯無端千百計一場  
休愿將功烈闡皇猷  
南飛鴈莫為稻粱謀

朝天子

學駸粧癡誰解其中意  
子規叫道不如歸  
勸不醒當朝

貴閒是非於心無愧儘教他事爭甚底不如他瞌睡不  
如咱沉醉都不管天和地

江城子

歌者張氏戴仲德本時以茶謁之家戲書以貽之

戴郎昆仲太風流翠娥愁解貂裘醉中摸索玉搔頭繡  
被搵香肌粉滑雲作帳月為鈎 茅菴權當小秦樓意  
綢繆話揚州瓊花騎鶴兩悠悠薄倖薄倖生今老矣無  
夢到那溫柔

前調

代人  
送行

積雨坡塘五月秋送還留且停舟聽我驪駒歌徹上廬  
州無奈綠牕眉鎖恨情脉脉思悠悠 同鄉翻作異鄉  
愁善謀猷儘優遊不見閭閻談笑覓封侯勲業此時都  
莫問書有便寄來否

水龍吟

端午日寓苧干作時四方洶洶民思太平而未寧也  
輕雲閣雨還晴蒼黃又負端陽節去年今日大彰深處

寸腸千結好事多無良辰難再猶傳遺孽看連城頽洞  
大家愁惱這光景何時歇因想金陵佳麗鬧秦淮龍  
舟稱絕牙檣錦纜翠冠珠髻畫蘭羅列回首丘墟滿襟  
塵土向人空說且停杯容我離騷細讀弔羅江月

沁園春

多少閒情桃源問蹊柯山看棊把杏花春雨從頭吟了  
木樨秋月開戶邀之氣捲風雲眼空江海萬古從前我  
已知君休笑任陳搏假睡豫讓佯癡風回太液清池

欲留住東皇共笑嬉想乾坤浩浩誰曾整頓干戈擾擾  
孰問安危籠絡人才登崇祿秩赤箭青芝敗鼓皮都休  
問看營巢燕子哺乳鶯兒

水調歌頭

時楊溪  
避兵

飽來石上卧醉向溪頭吟山靈不管閒事容我儘登臨  
山外猿啼鶴唳世上虎爭狼鬪此地白雲深古今一杯  
土天地亦何心 隔茅廬塵萬丈不相侵林泉自有佳  
處石溜似鳴琴漢室煌煌大業唐代昭昭正統此理細



推尋高詠出山去草木亦知音

太常引

山色共承宣君秩滿我遲延幾度醉花前曾怪殺春山  
杜鵑 菱花再照鸞膠再續應笑雪盈顛深夜話婢娟  
也曾是都門少年

風入松

雨後  
偶成

紗厨過雨晚涼生枕簟不勝清冰肌玉骨元無汗香風  
過深院語流鶯翠幌光搖絳蠟畫堂暖瀉銀瓶 玉笋

牙板接新聲雲髻寶釵橫銀絲膾細江瑤脆揚州月照  
我醉吹笙舊事十年猶記壯懷此日堪驚

賀新郎

為張德正  
續絃之慶

繡隱芙蓉褥更屏間雙雙孔雀間金盤綠鶴別鸞離深  
閨悄帳冷梅花夜獨空夢繞巫山千蟲雨意雲情紅顏  
霜鬢合懽再把鸞膠續事諧矣意方足 洞房春暖人  
如玉怕的是雞聲遞曉無情催促笑拂菱花相依照取  
次畫成眉曲伊也道臨邛何辱吉叶熊羆應入夢看這

番桂子紛追逐為君喜醉紅燭

虞美人

聞邑雲臺烟火花燈老倦不復往觀

紛紛兒女看燈去千點搖紅樹翠鼇山倚紫雲堆記得  
年時老子也曾來 硫硝結縛通仙伎光燄千般異今  
年老子懶來看手弄梅花和月倚闌干

貞素齋集卷八

欽定四庫全書

貞素齋集附錄卷一

貞素齋銘

新安舒君道原以貞素銘齋京口俞希魯為之銘曰心  
有懿德貞為之則素位而行厥德用迪德貴於貞維體  
之成行安乎素斯用之行匪體而用奚貞以素素本乎  
貞德行斯具貞以幹事事由是立素以履道何往弗吉  
維忠維信無畔無援正固居易貞素斯踐勗爾舒子敬

慎終始忠告輔仁述此銘只

貞素齋記

洪荒之世遐乎邈哉上古伏羲氏作有畫而無書中古  
羣聖迭興然後六經傳焉何以謂四德元亨利貞由是  
而四時順序四方定位焉何以謂五行金木水火土由  
是而五常均賦五采彰明五音五味相資而生焉績邑  
隱君子舒公道原焚香盥手卜易遇乾曰乾天也貞為  
乾德支卦得兌曰兌西方也素為兌邑於是隸古額其

齋貞素屢來謁記初道原當海內隆平尊先公尚無恙  
左右侍養烝烝孝謹乃鼓篋使之遠遊舉茂才陞校官  
於金陵治書王公繼學侍御張公夢臣韓公伯高一見  
器識要出自我門下京口侍御秦公元之左丞裕之吟  
詩論文買舟徘徊金焦兩山間奈秉性剛特於是非可  
否不得其平則拊髀用泄憤懣自視汲黯不翅於嘒嚅  
齷齪為何如人也壬辰之變生意日蹙又念平生知己  
無托知者出入礪谷殘雪乍消凍禽棲樹落梅點染知

者以為高士長裾破笠嗜飲輒醉不知者以為狂客云  
嗚呼大道無名強之以名道四德終於貞貞者正而固  
也玄武蟠屈以靜為體也五采始於素素者潔而白也  
粉地蕭瑟以文為用也一靜一動而復歸於靜天地已  
生之氣也一質一文而復本於質天地已成之象也  
嗚呼微矣道原今年七袞有二耳聰目明老學不倦拳  
拳以貞素為務几杖有銘盤盂有戒佩韋弦皆以藥其  
性之偏求其志之篤驗其學之有成也異時經其里指

其齋遺風餘烈有不可及之歎以老成之難遇也典刑在焉洪武八年冬十月既望同郡盲者唐仲實記

貞素齋記

績溪舒先生道原疇昔升平時解后城闈懽然文字間至酒酣氣張逸氣舒發慨然論天下事曰當然不當然指顧區畫擬議犁然當於人心予有以知夫先進之士意氣之真識度之遠德義之審也遂相與訂交遊幾二十年握手懽甚契合益深而各蒼顏白髮矣迺曰吾讀



書之所扁曰貞素昔諸大老為詩文盈軸茲蔑尺紙能無情乎予惟貞素之道以儒說推厥義為大先生之取之也何居乾之四德貞下起元元之運極天地亘萬古配四時生生不窮而貞之德為本故先天圖六十四卦三百八十四爻與天為運而變剝之間貞之德消息著焉辟則人心之酬酢萬事萬變施無不當莫非仁德之流行而本然之善其本也素為采色之本故曰繪事後素又曰易有太素真素也者其諸指夫貞之德為本然

之善而思所以用力者歟學問之道莫大乎涵養本原  
能用力於此即程子教人靜坐之功李延平授受于朱  
子涵養喜怒哀樂未發之中之謂也抑貞之訓曰正而  
固以貞素而謂天本善之善固也而子朱子又以素猶  
見在釋之何耶竊謂即其見在之位而為其當為固其  
本然之善也故曰君子思不出其位又曰素富貴行乎  
富貴素貧賤行乎貧賤素夷狄行乎夷狄素患難行乎  
患難是則貞素也者又所以謂夫心身之間事為之際

當益固其本然之善而思所以用力致其警省者歟君子之學莫大乎因夫時措之宜而本然之善存此聖人安土敦仁樂天知命之事也若然則君子由前之為其植乎內也深由後之為其培乎外也厚內外涵養挾持上達天德而內聖外王之道具矣聖賢之學其有大諸此者乎故曰貞素以儒說推厥義為大此吾儒心法也又豈老莊樸素質素純素之謂者哉先生升平時研聖學筮臚仕浩然思有所為洎遭亂離涉艱險毅然無所

屈撓其有得於真素之道多矣斯其所以眷眷思繹其  
義以貽後之人者歟惜予之不足以發之也茲姑撰述  
所聞以為復先生尚其憶夫諸大老之說為有合與否  
以告我而無以為固也是為記洪武辛亥五月望日欽  
周澹如書於鶴止閑軒

貞素齋後記

文者物之成章者也道者文之所載者也道固無時而  
不在文亦無所往而不有也日月星辰山川草木天地

之文也風雨霜露煙雲雷電陰陽之文也圖書八卦伏羲氏之文也易書詩春秋禮樂周公孔子之文也顏曾之學由之政求之藝皆文也其所載之道發於自然垂於永久盛大昭著輝光日新窮天地亘萬古而不泯者道之體也是君子得之於心施之於事身脩家齊篤恭而天下平者道之用也孟子所謂窮則獨善其身達則兼善天下道之效也是以或出或處或用或舍居易而行夷險一節莫不各適其當然之道於是乎有貞素之

義焉夫貞者正也常也素猶見在也易曰天地之道貞  
觀者也日月之道貞明者也天下之道貞夫一者也君  
子藏器於內觀變於外察盛衰消長之理識進退存亡  
之機守乎一而不二主乎中而不移直有富貴貧賤威  
武所不能奪者吉凶榮辱禍福利害一信於已而非所  
可計固有確然而不動於心者其知貞常之道見在之  
義也歟非盛德君子孰能然乎華陽道原舒君卓犖瑰  
偉之士也少負奇氣壯遊於大人君子之門當時縉紳

莫不折節敬禮爭相辟薦三歷校官既而丁時艱難遂  
杜門為逸老計以貞素扁其齋前鑿方池周植竹木奇  
蔬異果春華秋實粲然而敷榮森然而行列教授生徒  
日接賓客談詩文論古今得失或危坐忘食或陶然一  
酌興有所寄則長歌短章恣容激越浙風江雨喚醒舊  
夢不自知其年歲之馳而山林之樂也是皆守正以為  
常素其位而行合乎居易俟命之旨而無行險徼幸之  
心真有契於貞素之義矣鄉先生題詠成帙發其全德

不亦盛乎復徵余言夫以雅行文章巋然範俗者年碩  
德著於鄉里小子後生何敢措辭於其間哉然吾郡文  
公桑梓之邦禮義之俗日靡故家典獻霜木晨星走也  
不肖栖遲名邑七年於茲承下風親教誨不可不謂之  
知己也况詩書之澤既深且遠他日賢子若孫必有以  
英俊奮發大其家聲則先生之文傳於無窮而道亦相  
與不朽矣是則今日之記亦不可無也洪武九年龍集  
丙辰夏六月朔甲申契生婺源方元成識於邑庠慎獨



齋

貞素先生花萼圖記

真人馭極四海九州罔有內外悉靡然臣服蓋天威也  
天威窮日所出入矧華陽密邇畿輔耶是故林臯遺逸  
坐享昇平為世歆幸予內弟貞素先生積學勵行延譽  
朝著典台州路教授致政歸謂華陽溪山奇秀甲新安  
日移伯仲遠遜杖履所及或登高或聽泉或掇幽芳或  
蔭喬木春有北野縣花夏有梓潼山雲秋有映潭月冬

有蒼洞雪千態萬狀不可殫紀嘉時令節雅歌投壺賡  
唱迭和皆理道政事非徒博奕飲酒溺於閨門之懽而  
已好事者繪為花萼圖以傳之予往省諸舅氏過從未  
嘗不三擊節歎賞乃語貞素曰憶紅巾之亂南北郡縣  
且陷沒高薨巨桷鞠為丘墟榛葦所生鳥獸所聚霜露  
蒙翳四顧蒼莽欲尋殘山剩水之樂漫不可得則凡富  
貴功名人生待之以為榮待之以自託於天壤間者果  
何如哉君子之道不以天下之重易所性之貴吾貞素

伯仲良有以也雖然啖鼎食之寸鬻味滄溟之一滴敢不敬念我天威吾儕耄矣當詔諸後人圖所以為報開門而仕務砥礪名節致君澤民不為苟且肥身潤家之謀當大艱難大變故從容處之閉門而隱安土敦仁樂天知命以節士廉退之行自勉則今日花萼永永無斃若夫輿馬赫奕蕩惑里巷官爵貨力搖動官府率為花萼之累所不忍聞也予益親戚乃致情愛之私規切云云貞素母以予為迂龍鳳十二年二月前奉政大夫同

知寧國路總管府事瀛州章文麟書

故貞素先生舒公行狀

禮記云事師無犯無隱左右就養無方服勤至死心喪  
三年貞素先生舒公梓之師也生事之死喪之則所以  
狀其行而使之不泯者禮不在吾弟子耶先生生於元  
大德甲辰十二月二十又四日諱頌字道原貞素其號  
也先生之先居舒村有曰雅公雄公者為宋文武狀元  
官至宣使尚書科第相繩至九世孫恕四公觀績之山

水明秀因家居城之北焉代多聞人至高祖六九公諱  
珣以明經補國學上舍時天下多故遂不仕著有鶴林  
手稿曾大父諱夢旂字武仲宋補國學上舍仕登仕郎  
大父諱正大字直方號梅堃元初以肄業積分授饒州  
路長鄉書院山長轉廣德路儒學正父諱弘字彥洪號  
白雲先生以文學薦授杭州路昌化縣教諭又轉教錢  
塘皆儒官也先生幼有操志嗜學好義不與羣兒伍外  
祖玉甫戴公嘗奇之曰余將見文明之外孫異日必昌

其家年十二三經書成誦十五六淹貫諸史工詩文鄉  
先輩皆奇之與同郡允升朱先生子美鄭先生以文程  
先生相與講明比壯遊江湖尋師問道受業於姑孰青  
山李先生與其子伯羽仲羽及翰林主敬陶先生博士  
元叔潘先生皆為同舍生時中丞伯庸馬公祭酒伯高  
韓公洎諸南豸冠皆雅善深器之後至元丁丑江東憲  
使雅克巴哈辟為池陽教諭大興文教貴招來多士時  
萬戶侯棗陽仲賢萬公庫楚巴哈公延於家塾訓子孫

皆襲侯爵秩滿調京口丹徒校官遂館於平章元之秦  
公之門先是邑學無恒產廩祿仰給郡學黌舍僅三楹  
卑隘弗稱門廡悉缺先生瞻顧嘆曰何足以闡斯道遂  
白郡守士則王公出已帑率士類鳩度財用辟建禮殿  
如制創齋廡及櫺星門不日落成士民嘆美生徒從遊  
者日益衆江淞考試官松江府判用中俞先生為文刻  
石以記其事至正庚寅轉陞台州路儒學正遭時多艱  
不仕歸覲親闡定省未溫兵戈擾攘遂奉親攜書歸遁

山中嘗與其弟遠遜與親避寇巖谷被擄執先生正色叱賊言甚厲欲殺害之弟兄執手抵爭代死且曰若輩罄我囊橐酷毒吾家但存弱孫以奉吾母死無憾焉由是賊衆皆感泣俱釋以全丙申二月初七日也歲丁酉天下猶未寧今衛國鄧公戡定吾郡江淮知府天章理公開治吾邑交章薦剡厚禮卑辭聘先生於北山之陽先生志不果出矣遂以疾辭未幾慈闈失養閉門終喪禮晚年誅茅結廬為讀書所扁曰貞素齋訓課子孫講



解不倦長於詩文有古澹稿華陽貞素諸集藏於家而  
稿之不存者尚多尤工於篆隸筆力精健人多慕求之  
先生操行堅正不屈不阿甘貧樂道不及功利故能令  
終天命洪武丁巳秋九月十又五日終於家享年七十  
有四先生娶胡氏子一孫男二嗟夫人之有死逝如夜  
旦豈有超然而獨存者哉書曰朝聞道夕死可矣舒由  
上舍至于先生五世相傳皆以儒顯豈非源深流長之  
效歟然則舒氏之澤將未艾若先生者可謂生順而沒

寧者矣嗚呼哲人云亡予將疇依相嚮而哭為之失聲  
昔人有痛其師之死而私為之謚者而今則未敢也敬  
為述其行實丐求當世名公一言庶幾可以傳不朽云  
時洪武十二年春正月吉日邑東門生張梓頓首拜撰  
梓字英材號無欲齋後以學行舉任本縣儒學訓導  
轉授遼陽學諭

華陽貞素舒先生墓誌銘

余先人嘗與績溪先輩王伯經胡相之舒彥洪三先生

為友古義稱篤惟彥洪先生子道原公與予又友愛特  
深已酉奉檄齎詔旨抵績溪與道原盡記登源洞題詠  
韓退之有曰兩家子弟材智不相下不能通知二父志  
若道原者可謂善繼其志矣丁巳秋道原疾逝予替未  
遑弔哭已未春其弟遜與其子詢袖銜行實踵門告曰  
余家與先生忝交載世先生必能道吾先兄意中事願  
丐一言以賁幽壤嗚呼子忍誌道原之墓乎按公諱迪  
字道原貞素其號也先生之先居舒村有曰雅公雄公

者宋以雄才及第科甲蟬聯迨其孫恕四公遷家績之  
城北雲仍相繼代不乏人高祖珣公以明經補國學上  
舍時天下多故遂不仕著有鶴林稿曾祖夢旂公字武  
仲宋補國學上舍階登仕郎祖正大公字直方號梅堊  
元初以學行舉授饒州路長蕪書院山長轉廣德路學  
正父彥洪公號白雲先生兩任杭州昌化臨安教諭其  
淵源所漸者遠矣公秉性豪邁蓋與市兒伍年十三默  
誦經籍十五六淹貫史策外祖戴公玉甫曰不特黃太

史之有洪鈞父矣寔長頗尋訪在鄉里集賢朱公允升翰林鄭公子美御史程公以文答問反復孳孳不厭在姑孰師禮李公青山一時父子不減三蘇參政陶公主敬博士潘公原叔同舍生也在金陵中丞馬公伯庸祭酒韓公伯高極口借譽南院諸多分庭抗禮凜凜不屈其除貴池教諭明正學申教條俾江淮之人累累接踵莫不嚮慕其調丹徒傾已帑召羣工曰廟曰學丹堊翔煥內外一新記之者松江府判官俞公用中侍御秦公

元之設親主客以嚴講貫其陞台州路學正時方劬  
不果出矣壬辰丙申遁伏巖穴有利其賢者公曰但存  
稚孫足以供老親足矣未幾親沒肉消骨立白頭衰盡  
公之為詩盤桓蒼古不貴纖巧織紵之習字尤喜樸拙  
有識之者曰宗漢隸匪八法也家藏古澹貞素諸集若  
千卷春秋七十有四娶胡氏子男一人名詢孫男二人  
將以是年五月十日窳於縣治之北秀野嗚呼士不以  
道自重久矣倘遇人之孱懦則愚弄之稍振拔者輒畏

縮吐舌公常太息曰士生天地間浩然正氣金石可磨也膠漆可解也吾之正氣不可撓也孟賁失其勇也陳平失其智也吾之正氣不可奪也石介字守道當慶厯中獻聖德褒貶忠邪先是衆怒不可犯遂以竒禍中介欲鑿棺而驗其死生賴天子仁慈而不忍也公之浩然正氣平日於死生禍福是非毀譽無避忌故忤時觸諱而悅之者少而不樂者滋多古之烈丈夫微公其誰耶余不腆於文夙辱友愛姑掇其梗概揭於墓上銘曰山

高則頽水深則洄不渝不泐過者必式曰旨矣時洪武  
十二年四月望日同郡友人白雲唐仲實拜手撰



貞素齋集附錄卷一

欽定四庫全書

貞素齋集附錄卷二

北莊遺稿

北莊先生諱遠字仲脩可菴先生諱遜字士謙我祖貞素先生之弟也先生以詩聞名家二公嘗從之論議得其源流一時倡和花萼相輝貞素先生嘗為之圖其樂可知已可菴先生雖得入府縣志列之隱逸然皆未有傳也復採一二附之錄後庶

幾一時盛事可以並傳不朽云八世孫孔昭謹誌

北莊遺稿

贊兄貞素小像

偉哉貞素金玉遐心言根理致學自天成屢濟時艱三  
闡文教忠孝遺模古今人表

次貞素兄遊石照韻

青碧石如削妍媸鑑靡阿光浮春雨洗昏動暮雲磨高  
尚人難見分明世不多山靈謹呵護遙睇為長歌

幽居次唐仲實韻

杏樹高於屋榴花矮近簷  
疎簾風細細開戶月纖纖  
機息鷗常狎朋來鵲屢占  
忘懷無爾汝瓶內酒須添

輓旌德元真觀道士王雲友

嶺上雲為友牕前水是心  
遽遊方外去安用世間尋  
闕苑清風迴函闕紫氣深  
只如酣醉夢長是夜沉沉

莊居述懷二絕

花如鋪錦柳如綿  
落日空山哭杜鵑  
癡客不知塵世事

顛厓長伴白雲眠

春山青潑雨初收人倚衡門獨自愁  
路上相逢荆棘闕  
酸風吹袂淚交流

聞鶯

鶯語如簧轉清曉飛來飛去青林繞  
舌端便巧似訴人巧語世間曾不少

早行和弟可庵

月落霜林鳥乍啼風生驛路馬頻嘶  
柴門犬吠天將曙

知有人家住隔溪

二

雞鳴野店整雕鞍  
路漸分明出亂山  
記得少年因中酒  
一竿紅日倚歌鬟

上母壽

願祝堂上老慈親  
八百甲子如其人  
王正降誕值穀日  
孫子稱賀當新春  
白髮垂垂照盞筭  
紅顏粲粲輝庭筠  
冰魚寒筍愧奉養  
五色瑞爛如鳳麟

貞素兄以龐公傳示讀感而賦此

龐公伉儷隴頭耕爵祿由來敝屣輕  
秦相范曄寧免辱  
漢臣疏廣已辭榮  
門栽五柳諸郎懶  
手植三槐二子成  
富貴從知天已定  
願培陰德任餘生

幽事

樹繞重門盡日陰  
倚風時聽蛻蟬吟  
采松釀酒開除事  
畫紙圍碁消遣心  
親舊殊方音邈邈  
兵戈滿地夜沈沈  
眼前得失君休問  
家住雲窩深復深

兄建小園草堂落成次韻

卜築南園喜落成種花移竹傍檐楹方池水暖魚遊藻  
高棟泥香燕護營佳客過門陪杜酒諸孫執業對韓檠  
居貧未可思熊掌樂道何妨咀菜羹

秋日郊行

陰霾掃淨山歷歷晴谷迴轉泉涓涓羣雀噪風世欲幻  
一狐嘯日天為旋祥光垂情閔下土秋色著意開平川  
我老英雄一掬淚夜深洒向虛窗前



雨後一律呈貞素老兄

吾兄寫字似寫畫大筆如椽不厭提六法妙知前古意  
八分時為上人題雨餘盈池出日落山靈隔樹科斗啼  
最喜高年更康健筇枝不用采霜藜

可菴搜枯集

自贊

可菴可菴處世夙別勢利不趨棲遲守拙雖無善可稱  
亦無惡可說愧何補於事功誠有忝於前烈

五言詩

交山圖

岸巾襜襜子舉世罕知心却與山為友抱琴時一尋

題畫馬

冀北風霜肅江南烟雨肥騰驤盡龍種豈肯受金羈

和許知縣織婦吟

錦織並蒂花花成漫停梭停梭復細看人與花如何明月照中天敗葉鳴寒柯誰知恩愛心翻成離恨多

二

雙星照短牖孤月懸高枝仰睇星月明對此令人悲  
手持并州刀為君裁寒衣不忍密密縫此心君應知

山中

我愛山中好翛然樂有餘荒徑從不掃溪淺足堪漁  
汲井旋烹茗閉門還讀書雖云市朝好吾亦愛吾廬

和黃友仁見寄

珍重淳原客新詩寄故人交情多繼繼時倦一酸辛西

嶺山如畫南樓月似銀何時一尊酒同醉岸烏巾

誕日和貞素兄韻

陽和回地底春信到枝南玄酒味方淡義文義細參青  
燈空自照白髮漫盈簪寸草春暉意年年此日慙

李謫仙

名對金鑾殿榮膺白玉堂氣吞高力士眼識郭汾王醉  
骨生疑蛻詩名死更香何由見顏色落月照空梁

和蔡原英暮春雜詠

處處鶉聲急春光大半非綠扶官柳暗紅點岸花飛竹  
塢消殘靄柴門掩落暉高人尋友罷獨抱一琴歸

二

十日九風雨春來有許陰氣騰三島暝綠漲一江深苔  
匝痕猶濕花垂力不禁遙憐杜陵老麻麥正關心

和人韻

山水有真趣琴書得自由歌詩哦字眼沽酒過牆頭南  
國黃花景西風白雁秋何人發幽興吹笛倚江樓

題度洪富嶺道中

踏破瓊瑤路行穿翡翠岑  
光搖鰲背穩跡印獸蹄深  
冰瑩奩開鏡泉凝玉墜簪  
野梅香徹骨三嗅動微吟

七言詩

題百馬圖

詔許平戎罷戰還  
征鞍初卸汗初乾  
從今歸牧華山後  
只許丹青畫裏看

和曹從善見寄

雨餘山霽草痕青  
徹夜灘聲作雨聲  
起坐東軒清不寐  
開窗邀月傍雲聽

二

一年好景半陰晴  
欲向東風訴不平  
幸有青青門外柳  
牽縈詩思自多情

題副使蔣仁本索烏巾紗

一幅依稀映白頭  
黃花見我不須羞  
憑誰巧製抹眉樣  
收拾吟翁兩鬢秋

題虛中王君紙扇所畫竹石

珊珊挺立兩三竿為愛清風不厭看只恐乘鸞仙子下  
夜深吹斷玉簫寒

道中

雨來雲裏山頭低雨收雲束山腰齊眼前好景吟不得  
天風泠泠馬頻嘶

高尚書春曉圖

萬壑青涵春遠近千秋曉濕翠模糊尚書胸次何瀟洒



寫出匡廬一段圖

錢博士朱大同赴京就試

我我萬仞紫陽山仰止彌高不可攀  
孔席未能三月暖  
祖鞭又覲五雲間  
八珍分錫瓊林宴  
羣珮趨陪玉筍班  
敷奏九重承顧問  
定應家學動龍顏

戊戌立秋夜紀夢

戊戌七月立秋夜清夢忽然到江濱  
儒冠只有攀鱗士  
戎服尤多射虎臣  
分題依稀蟾窟曉  
侍宴彷彿龍樓春

覺來展轉耿不寐涼月照窗懷故人

和方彥默教諭思親憶鄉

誰家搗練鳴秋砧偏感春暉寸草心  
白髮倚閭日又暮青衫受業更將深  
城頭烏啼月照樹天外鴻歸霜滿林  
寒齋獨坐誰是伴青燈相對空長吟

送丘克明副使休官歸湖南

二孤高枕大江流天人蒼茫日夜浮  
帆影遠連巴蜀曉櫓聲清入洞庭  
秋菊松雅興同元亮泉石幽盟慕許由

別後相思梅正發月明千里倚江樓

偶成有感

少年一笑拚千金騎馬看花遊上林飄飄兩袖香風發  
釣天彷彿聞仙音回頭往事清夢裏滾滾年光付流水  
安得壯士挽銀河愿言為把紅塵洗

余舊藏朱大同侍郎墨菊友仁黃兄展玩之餘感  
歎哀悼不已遂賦詩以挽敬步韻以復情見乎

辭

朱擢禮部侍郎  
遭厄惜哉

根本東籬不用培霜葩幻向筆端來藝林遊戲遺香墨  
宦海聲名等燼灰風韻尚憐存晚節韶華空憶占秋魁  
披圖細玩仍珍襲獨對西風倍感哀

心遠軒為郡城汪仲遠賦

結屋城東地自偏南山日見意悠然籬邊採菊仍賒酒  
壁上懸琴不用絃滿地荒苔童不掃一庭落葉客猶眠  
有時倒屣迎高士却怪山林在市廛

題戴叔珮碧霞軒

占得翠山一片雲卜居自愛遠塵氛一天曉約千機錦  
半席晴攜五采文菽水娛親春正永篝燈課子夜將分  
箇中好景難描處孤鷺齊飛帶夕曛

江亭秋霽圖為黃友仁題

萬頃波光煙飄縵風颭秋聲生木杪隔江彷彿是江南  
一帶遠山青未了何人獨引小溪僮來訪幽亭玩易翁  
亭下扁舟纜莫解磯頭昨夜多顛風

和謝宗可霜華花霧塵詩韻

宿酒禁持夢乍醒陰陰芳樹鳥無聲輕籠翠色溶溶曉  
漸復紅香淡淡晴誤避茶烟跼老鶴慣藏柳影咽嬌鶯  
東風却怕花神怪卷起霏微幕不成

餞許知縣秩滿赴省

時有復三  
考之文至

珍重三年月旦評今朝解組覲宸京政書上考推公論  
詔許重來荷聖恩春滿皇都鶯囀早風清官路馬蹄輕  
東門別酒不須醉指日兒童竹馬迎

題翬嶺

分題許宰  
解任赴京

金削芙蓉傍五雲  
躋攀手可摘星辰  
風霜威肅峯巒曉  
雨露恩深草木春  
百折縈紆通鳥道  
一泓澄澈瞰龍津  
從今濶步最高處  
身近蓬萊天上人

和曹從善見寄

壯志凌雲憶少年  
幾多高木看鶯遷  
君能操守冰霜潔  
我老心徒鐵石堅  
世態炎涼無古道  
人生會合有良緣  
誰知病起山中客  
白髮瀟瀟只自憐

暖日暄風散晦冥園花巷柳媚新晴蹇予潦倒心猶赤  
感子殷勤俗眼青短髮豈因衝怒豎枯腸時作不平鳴  
夜來雨過空山後翠撲嵐光入戶明

三

一曲歌殘樂未終韶華何事苦匆匆雲來雲去元無定  
花落花開總是空詩夢已歸牕草翠酒痕猶借臉文紅  
華陽山下遺衰草却喜斯文道未窮

過旌德華陽寺文天關上人留飲貞素兄賦詩遂



次韻

星辰落落無多士頭雪班班有幾僧遠水霞明紅片片  
亂山雲護碧層層幽懷止許琴三操勝景時容屐一登  
寄語山鄰莫驚怪題詩刻竹記來曾

九日辱邑令歐本泉見招登高靈山

絕頂行行莫厭遲酒情詩思兩相宜百年行樂可無酒  
九日醉餘還賦詩楓嶺霜乾紅冉冉苔磯水漾綠差差  
風流不減龍山興賸插黃花帽半欹

再過鎮江有感

京口重來二十年江山景物自依然  
烟橫鐵甕城千疊潮落金山石一拳  
昔借青燈分講席今慚白髮泛征船  
腰纏曾跨揚州鶴醉壓吳姬舞袖偏

題溪山環秀手卷為黃友仁賦

卜築城東孰與儔八牕面面擅清幽  
穿花流水夕陽亂出岫閒雲爽氣浮  
坐石醉呼天外鶴凭闌閒對渡頭鷗  
知君揭攬多清致空羨人間有五侯

錢黃克敬應賢良舉賦

祖澤汪汪陂量宏開孫襟度玉壺清閉門自樂甘顏巷  
徵檄行催覲帝京朝雨浥塵關樹暗春風迎棹浪花輕  
九重慶際風雲會萬國光瞻日月明帽插宮花香泥泥  
班陪玉筍珮琤琤京都故舊如相問為說年來老力耕  
子周倡和貞素兄佳什見寄因次其韻

澗谷深深圖畫開依稀潭第等蓬萊雨餘遠岫青凝黛  
水漲平池綠潑醅語舊西牕燒絳蠟吟情東閣動寒梅

杜陵已喜千間庇  
司馬應憐四壁頽  
下榻每應高士至  
抱琴時有故人來  
采芝不獨商山老  
亦有韜光輔世材

八駿圖

君不見鎬京周穆王  
馳騁八駿遊八荒  
瑤池宴罷歸來晚  
脫羈縱逸交騰驤  
又不見燕昭千金求  
駿馬朽骨售之亦償價  
方今歸牧華山陽  
却把丹青作圖畫  
戴公妙筆絕世竒  
功與造化爭鉛銖  
披圖三歎無人識  
只有當年伯樂王  
良知

重九日

去年登高靈山顛新詩醉寫秋風前金杯酒泛紫萸滑  
烏紗帽插黃花側今年瀟瀟坐風雨回首往事心茫然  
青山當戶為故友白髮兄弟羅酒筵丹楓染霜明秋色  
白雁叫雲橫暮天醉窮老眼浩無際賸欲乘風遊八埏  
題秋江圖為黃友仁賦

老樹槎牙石龍從隔岸人家紫烟重長江蒼茫日夜浮  
天塹西來雲影動駕風上水誰家船片帆高颺孤雲邊

林下伊誰襜襖子抱琴應訪草堂仙  
毫端遠勢莫能比  
巴陵洞庭秋水裏莫是當年顧虎頭  
寫出滄洲千萬里

詞

感皇恩述懷

疎雨滴清秋洗殘流火爽動涼颼  
透簾幙寒蛩吟徹誰  
道小鳥蕭索青燈相伴我  
情依約螢照更殘烏啼月  
落悲壯山城數聲角漫漫長夜扣角長歌方覺  
人生能有幾須行樂

全宋詩卷二 附錄卷二

臨江仙 偶成

銀燭光搖秋夜永一天涼浸詩脾  
鳴蟲唧唧漏遲遲半  
生春夢裏彷彿是耶非  
萬事破除惟有酒當歌不飲  
何如人生七十古來稀  
休爭強與弱行樂是便宜

滿江紅 小莊有感

歲晚江空更風雪連朝情惡門緊閉清寒曩屨重重簾  
幙老屋數椽聊掩庇山田幾畝多硯角嘆前村喬木碧  
參天今凋落 三杯酒還堪樂一局棋尤難着任功名

蓋世到頭都錯世事宛如春夢短人情恰似秋雲薄對  
青燈感慨話興亡今猶昨

水調歌頭壽貞素兄

稀年古來少何況又逾三雙瞳炯炯凝碧白髮更盈簪  
剛把殘冬留住先借新春四日拚醉倚晴酣榮悴付定  
命艱險任經諳 舞斑衣沾臘醞典春衫觥籌兄弟交  
錯同是鬢髮自喜衣冠奕世未墜詩書如線此外更  
何慚笑問梅花信春已到枝南



木蘭花慢壽貞素兄

怪夜來南極祥光炯炯中天恰先借新春暫留殘臘為  
度稀年弟兄垂垂白髮願年年輝映漾樓前尊酒光搖  
旭日爐爇細裊輕烟 詩書一脈繼青氈五世喜家傳  
憶京口橫經天台振鐸往事悠然回頭十年如夢看園  
花灼灼幾春妍爭似蒼蒼松柏歲寒同保貞堅


文

祭貞素兄終七文

嗚呼痛哉吾兄之生稟性梗植砥節礪行慷慨樸質皓  
首窮經挑燈繼日密遊江湖縉紳器識振鐸池陽文聲  
赫奕再教京口黌舍陋窄學無恒產齋無講席薄祿養  
廉郡庠仰給禮殿卑隘載新是闕文教大興名譽藉藉  
咫尺天台雲深霧隔嗚呼痛哉我昔與兄累遭兵革扶  
母逃避被寇縛執母遺山中子遭擄搯兄弟累累厲言  
罵賊白刃加頸畧無憂色母憂子亡子憂母失兩地憂  
懸天意憐格賊乃解縛遂免鋒鏑子母相見且喜且泣

不墮惡少吾家陰德嗚呼痛哉嗟嗟吾兄簡淡尚古和而不流安貧樂處誅茅結廬聊蔽風雨扁曰貞素為讀書所講明道義探蹟經史兄弟怡愉詩酒容與開門授徒程通章梓嗚呼痛哉歲在丁巳時維九月羣編誌書兄嬰微疾兄弗果行弟往編集書未成編病報危急函歸省問相見悅懌從容顧問講論紬繹迨其厥明儵然箚易嗚呼痛哉兄之壽享七旬四齡一子一女孫男二人孫聰匪魯筆硯時親吾家文脈將見黽黽興言至此

暗傷我神嗚呼寒雪兮依依陰風兮慘悽義重手足兮  
同氣連枝痛裂肝腸兮涕泗漣沔薄陳素奠兮聊表孝  
思哀有盡兮思無窮時尚饗



貞素齋集附錄卷二